

太祖高皇帝

姓諱利。號曠之子。

野史

帝曾祖黎誨清化府梁江縣舊俄樂縣。即今瑞原。如盜村人娶雷陽縣羣隊冊人阮氏玉緣以師工爲業。一日出遊見羣鳥回翔於藍山之下。若衆人聚之狀。曰此佳處也。因徙家居焉。自是世爲一方雄長。其建邦啓土。寔基於此。皇祖黎汀。皇祖妣阮氏。郭生二子。長曰從次曰曠。曠娶雷陽縣水注社人鄭氏玉蒼。生三子。長曰學。不幸短命。次曰除。第三子卽帝利也。初帝未生時。本鄉如盜後村油山處桂林樹下。有黑虎常與人相親。未嘗爲害。至乙丑年八月初六日子時生帝。自此其虎不見。人以爲異。帝之生也。毫毛徧體。聲如洪鐘。長爲藍州輔導古云父道。時帝使家人耕於昭陵佛皇處今屬瑤舍村。見一老僧著白衣。由德條村出而嘆曰。貴哉此地無人可屬。家人見此馳回告帝。帝卽追求問之。有人曰。老僧已前去矣。帝速追至古雷縣卽今雷陽。羣隊冊見一竹簡題云天德受命歲中四十數只已定。惜哉未及。帝甚喜。又速追。忽見僧謂帝曰。僕自哀牢而下。姓鄭字白石山僧。在哀牢國楊山景花寺。今見君氣象異常。必能成大事業。帝前跪曰。弟子地脉貴賤如何。願師明告。僧曰。佛皇處地有一頃當半高形如國印。古有太室至靈山。在郊老莊。內有仙伴土岳。以昭山爲案。在安快社。前有龍山木內有龍湖。乃螺腸之地。如盜村。右水繞虎山外穿珠。男貴不可言。女主恨失節。僕恐君之子孫後有分居之勢。祚有中國天命可知也。若明師能改塋。再中興五百年。僧言訖。帝卽將皇考塋于此矣。至寅辰回到瑤舍下村。僧卽飛昇。因立此爲遊仙殿。其昭儀洞立爲小庵。卽佛皇墓處。此發跡之原也。

附錄

此人居豪梁村。杜富祖墓已塋得。佛皇大地丁財大旺。奴僕至千餘人。賓客滿門。一日偶失小

刀使其子索取。久之不見。疾怒罵曰。南曹就取汝家刀乎。後帝使人耕佛皇處。見一白衣老僧指點曰。惜哉此地無人可囑。其人卽回告帝。帝追之。僧已渡河前去矣。緊追及於古雷縣羣隊冊。跪拜懇乞。僧因謂曰。此地極貴。彼已托得真穴。但彼褻慢天庭。皇天弗與公家福厚。天命來托之。今宜旁開小穴。擯棺葬入。俾居彼棺之下。至臘月。同彼掃墓。公亦同行。掃墓之禮必然相爭。以事聞官。勘寔卽公理。直彼自改。托從之。卽將皇考葬此。僧因囑曰。得國之後立此處爲遊仙殿。名其地爲佛皇陵。

與我相遇之處。號爲羣來社。帝領語。僧因飛昇。及後十二月臘日。杜富家拜墓。帝依僧言。兩相爭攘。

訟在明將勘官直。帝杜富後葬之誤。就遷他葬。因此相讎。引賊逼。及天下大定。富懼挈家潛遁。永

祿縣東汴社。今東汴杜姓者皆其苗裔也。

附錄藍
山地課

愛州形勢強可藍形山列。後九頂山纏前三陽水結。內堂列印星。外案提旄鉞。地可卜宅居。世傳久不歇。男貴不可言。女恨常失節。由水破太陽外疆。屏有缺。

佛皇地課

哀牢葛嶺過于佛皇四龍朝穴。五鳳飛翔。內形扁亘。外勢昂藏。龍千峯起。虎萬重

崗。穴安金斗地。結螺腸。九重端坐。百官朝堂。帝與古雷縣目山冊人黎慎相爲膠漆。

辰人呼帝爲道
藍慎爲道目

慎常以拋網爲業。在域麻院處。夜見水底光射如燭。拋網竟夜。魚無所得。只得鐵片長尺餘。將回置諸

暗處。適慎家先忌日。帝往其家。見鐵片暗處發光。帝問何鐵。慎以寔告。因請之。將磨洗見有「順天」

字及「利」字。一日帝出門外。見一劍柄已琢磨成形。仰天祝曰。是果天劍。願柄鐸相連。遂插成劍。至

後夜來風雨。明早帝后出芥園。見巨人四跡甚大。因呼帝出。得一寶印。又有順天及利字。陰知天之所與。秘而不宣。時季贊篡陳。改國大虞。累欠北朝貢物。明永樂二年。遣張輔沐晟等南侵。帝雖遭擾亂而

志益堅。晦迹山林。收召豪傑。有本縣豪梁人杜富與帝相爭訟。在明將勘官直。帝富因此相讎。數引

明賊逼帝。帝與黎柳走至可藍江邊。見一女尸臥死。身著白衣。金釵金鉶。帝與柳仰天祝曰。我爲明賊所逼。乞護我脫難。後得天下。當立廟祀汝。凡有血食。當先享汝。因埋之。封墳未已。賊已嗾獒前至。帝與柳惶遽走入榕樹穴。賊以尖鎗刺之中。柳左股中。柳執沙手捋之。沒其血跡。忽見白狐走出。獒卽逐。狐賊不意。乃引去。帝乃得脫。是後不知黎柳結局如何。及天下旣定。封白衣神。又爲弘佑大王。封榕樹爲護國大王。凡有事于太廟。皆先享之。自是賊益虐害人。不聊生。帝每以貸寶賂賊將張輔陳智山壽馬騏等。冀無相害。其賊黨梁汝笏與賊謀。謂藍主招亡納叛。其志不小。宜早除之。無遺後患。戊戌年。帝辰年三十三帝起兵於藍山。稱平定王。正月初九日爲賊逼退屯洛水。設伏以待。十三日賊衆遂去。帝縱伏兵衝擊。黎石丁蒲黎銀黎理等。身先陷陣。破之。十六日。叛臣名愛目印社人。與杜富引賊掘取佛皇靈柩懸於船後。要帝歸降。帝使鄭可金盈社人。黎備豪梁村人。二人負草流下。至瑤舍津次。伺賊熟睡上船。代以別柩。竊取靈柩回呈。帝命再葬佛皇原處。後名愛再引賊襲帝軍。俘獲帝家屬。及軍民妻子甚衆。及天下已定。執愛斬之。令月印珊塗其頭。事爲福神。每有事於藍山太廟。前一日責月印社長掛愛頭於杖端。持走遼宮廟三周。呼噪以爲劇戲。事畢。再許迎回奉祀。翌日太廟始行祀禮。

時帝軍無鬪志。窮迫殆甚。賴忠臣黎禮黎向黎秘。

農貢縣襄黃社人。

黎熾真福縣上舍社人。

黎踏等隨帝潛隱

於至靈山。絕糧二月。不舉火。待賊退築堡於藍山故鄉。帝復收敗軍。纔百餘人。先使輕兵挑戰。賊恃兵強。盡入險地。逼帝。帝設伏兵於沒茫處。以冷箭射之。賊敗走。帝復進兵至寧茫處。晝夜出戰。賊兵復潰。退保樂上社。帝又進兵於河打冊。與賊戰於美美處。獲賊將指揮阮抄并斬首千餘人。

附錄。眞福縣泰舍人阮熾。其父值陳之亂。不樂仕。進住持于本鄉佛寺。作和尚禪師。每夜鷄鳴叩鐘。焚香誦經。有屠猪人居寺旁。每聞鍾聲。即起殺猪。是日誤買牝猪。不覺懷孕。期以旦日作宰。是夜。師夢一婦哀號謂曰。願公今夜勿叩鍾。救我母子八九人之命。師依言已而屠兒不聞鍾聲。果晏起此。

猪已產下八九子。師以事爲奇。遂買此猪母子生放于山。數月禪師爲虎所咬。將葬之於山。明日家人尋之。則已成一大堆。有識者謂之曰。乃虎葬之地。時阮公熾已十七歲。家計單寒。遂往清華地方。買油爲業。至東山縣。天色向暮。旁無居民。望見山上有廟。遂投宿廟門。至二更。聞車馬之聲。來謂廟中神曰。今夜上帝會百神。定立安南天子。這關大事。慎毋緩欠。廟中神曰。我有塵間貴客寄宿于此。莫可他適。但有所聞。願還以告。至四更未復聞有聲。報廟中神曰。今已定安南皇帝。其人卽瑞原藍山人姓黎。名利許。以申月申日申辰起兵。十年而天下始定。已而鷄鳴急起。尋至藍山。見黎太祖具告以事。是辰太祖已有手下三四百人。素有此心。及聞熾言。七月起兵於藍山。厥後天下底平。熾多有功。賜姓黎氏。封元國公。創業功臣第一。歷仕太宗仁宗三朝。又以誅宜民屯船之功。復賜功臣第一。有子十三人。皆受郡爵位。望極盛。聖宗忌之。陰使風水術士還上舍社。開鑿禁江。以斷龍脉。龍身出血。三日長吟。一日五中尉同死。後子孫漸弱。至黎末。名權泰同與阮整奉昭統帝封爲泰郡公。乃公之苗裔也。辰敵勢方強。帝謂諸將曰。誰肯易黃袍代朕領兵攻西都城。報名是藍山主使。賊虜去。我幸得晦迹休兵。以圖後舉。諸將皆不敢應。獨黎來曰。臣請自當。後陛下成大業。當軫臣功。俾萬代子孫得受國恩。臣之願也。帝拜天祝曰。黎來易袍有功。後朕與孫姪及將佐功臣子孫不軫其功。願寶殿成林。寶印成銅。神劍成刀。帝祝畢。黎來遂領兵至賊營門挑戰。賊出擊之。飛馬入陣。報曰。藍山主是我賊圍執回城。加之極刑。出子常刑之外乙亥年。帝在藍山。與將卒修繕城壘。畜銳養威。庚子年。水棠北涇人黎餓。本陳天賚家奴。相貌頗美。嘗遊四方。莫不供養。又詐稱馬騏小廝。吼喝州縣。以爲資身之計。見公證范玉。范善競起。謂其相識曰。汝等貪富貴乎。有願從者俱往。去至諒山丹巴縣。詐稱陳睿。

宗玄孫自老撾回丹巴。父道閉瞬妻以媳女而立之。旬月間得衆數萬餘人往安邦。安廣鎮據洪盈寨改姓名爲楊龔。自稱天上皇帝。紀元永天。置官鑄錢燒昌江城。掠平灘柵。有識爲餓者亦不敢言。天賚往見之。出曰。是我家奴。何拜爲。遂移舟遁去。餓追之不及。天賚移檄旁縣。自稱興運國侯。以兵相攻。爲餓所殺。李彬大舉攻之。餓瞬俱夜遁不知所之。賊復大舉而來。先設伏於湊津以待之。及賊至。伏兵四起。賊衆大潰。乃休兵于清池名。又徙屯于催茫。時我國賊人葵州名琴爛引李彬方政等從琴爛地方直入催茫以攻帝。帝先命黎篆黎理黎問等設伏於蒲夢處。賊至大破之。賊猶恃強。彬政等僅以身走我師逐北。六日夜乃止。帝復進軍駐於磊江波凜柵。挑戰。賊不敢出。賊將謝鳳黃域等退屯兵俄樂堡。回據開遊寨以備西都城。堅壁不出。帝分遣黎豪黎篆等擊開遊寨。大破之。自是賊勢日衰。

辛丑年十一月二十日。陳智等率土僞黨十餘萬人攻帝於波凜柵。黠弄隘。帝會諸將分兵夜襲賊營。斬獲甚衆。後賊知我兵少。復開山通路以進。帝潛伏於聳隘以待之。賊由山路出。我軍擊破之。初帝與哀牢交好無少間隙。至是僞官路文律逃賊入彼國遊說行反間。由是哀牢與帝有隙。辰帝與賊相持。賊已敗退。哀牢將衆數萬。詐言援我討賊。帝不意。文律詭計引彼夜襲我營。帝親督戰大破之。逐北四日夜。直抵巢穴。其酋長溝察佯乞和。寔欲牽延待援。帝知校計不許。諸將以士卒久勞。宜少休息強之。惟帝兄子黎石勇往不顧。誤中伏籤而卒。初帝兄學常養帝爲子。故帝愛石厚於己子。特命爲前鋒。將石勇猛過人。所向必克。但勇而寡謀。所以取敗。及得國後封開國功。

附錄哀牢之先婦人名沙臺居於牢山常捕魚水中觸沉水有孕十月生男子沉水化爲龍出水因
砥其男之背其種類人皆刻畫其身象龍文衣漢光武辰其王賢栗求內附始通中國孝平明永中
其王柳豹又求內附明帝以其地置哀牢博南二縣今其種類甚繁所在有之皆號曰牢雖各有強
弱貧富而文布纏身入寺避仇風俗大略無異其俗無文字以葉記事

壬寅年二月明總兵豐城侯李彬發疽死十二月賊約哀牢陽背攻帝於關柳柵我軍數戰彼瘡者
多頗有損失乃潛退於塊柵慰勞士卒整飭以待纔七日賊果至帝謂將士曰疾戰則存不疾戰則
亡言訖淚下衆皆感泣爭戰黎問黎領黎豪黎篆等身先陷陣賊大敗獲賊將鴻貴馬騏陳智僅以
身脫於是帝復至至靈山軍士絕糧二月惟刷菜根筍蔬而食帝殺象及所乘馬以饗士卒然往往
猶逃亡者乃嚴加約束捉獲逃將名卿軒以狗衆諸將復整肅如故辰屢經艱險軍士疲勞欲得休
息皆勸帝與賊和帝不得已遂與賊將山壽馬騏陳智等佯爲和好通使往來賊屢爲我所敗意欲
以計諭帝亦欲因彼諭息兵待時遣親臣黎運黎臻行成

癸卯年四月十日帝復將兵藍山賊知帝外托和親內懷掩襲之志乃拘臻等不許還自是使不通
往來絕路辰民思陳氏帝知其情見有胡翁者乃丐者之子曰陳暠名奇迪竄身於琴貴避明賊
路山徙武寧再遷古弄城委郡公黎朗帝長子黎昂守城宿夜暠見平吳深自恐懼遂逃入乂安玉
麻州黎昂追及將回至東闕城帝問曰已正位號何乃異心逃外對曰小子無功將軍功蓋天下誰
能栽樹容別人食實乎畏死而逃罔敢異心願得全身而死帝哀其言不忍羣臣曰國無二王使自

縊之。嵩死辰有祝天之言。聞者莫不悲慟。天下冤之後。黎末襄翼帝辰有陳嵩作亂。世傳以爲嵩之後身也。

甲辰年九月二十日分兵襲多矜城。破之。僞參政梁汝笏僅以身脫。賊將華瑛復領兵來救。帝擊之。賊又大敗。走入西都城。今興化鎮。帝乃整兵直入乂安茶隆州。即茶麟今改
爲襄陽縣。經葵州蒲獵山。卒遇賊將師

佑及土官茶麟州知府琴彭琴爛將兵邀截前路。陳智方政蔡福李安專領兵赴逼其後。日將暮。帝於林間伏兵以待之。有頃。賊至。帝縱伏兵衝擊方政等。賊大潰。明日行至茶麟州鄭山庄。復衝師佑等營。賊又大敗。使阮仕歸黎臻以求和。辰琴彭據守其地。不肯順服。帝盡力攻圍。二月餘。琴彭堅守。皆待援。而賊驚疑不敢進。彭計窮援絕。開門出降。後再生異心。竊衆逃去。帝使人邀諸路。執而斬之。遂定茶隆州。因進兵襲乂安城。

軍將發會探子前報。賊兵水陸俱至。帝使黎列等間道據杜家縣先奪險要。帝親督大軍據險以待。

賊至可留關。南塘縣暮田社。進攻帝營。伏兵四起。破之。黎察黎秘黎問黎仁澍黎銀黎戰黎宗喬黎魁黎

杯黎文安等爭陷陣。賊大敗。走生獲。賊將朱傑斬賊前鋒黃城長驅三日夜到乂安城。賊入城固守。

乙巳年正月二十五日。帝進兵乂安城。至興元湖口城。此處有神祠。俗號神寡。帝夢見神人謂曰。乞

將軍一妾。請護將軍破賊。以成大業。明日帝召諸妾問曰。誰肯爲神妾。我得天下。傳其子爲天子。辰

太宗母玉陳跪請曰。足下如約。妾請仁之。帝約與文武臣僚。依如其言。三月二十四日。帝付氏陳與

宿於市。一夜土虫培成土堆。覆穴成墓。使者回奏。帝曰。神人據約。乃命留葬在此。名玉珥陵。立顯仁

殿奉事。

評大業成名。淫神何與。既爲神主。何不毀其像。火其祠。當風而灰揚之。使得享香火之奉。可恨可惜。

帝圍乂安。賊不敢出。於是乂安之地盡爲我有。四月十五日。賊將李安領水軍自東都來救。帝曰：「賊畢救乂安。各處必然空虛。乃命外孫黎禮禮帝甥本姓丁。賜姓黎。、黎備、黎察、黎篆、黎仁澍倍道襲西都城。辰順化新平等處賊城。與乂安東都聲息久絕。帝命黎駕、黎多蒲等出攻新平順化等城。至布政遇賊。黎駕突擊破之。帝又命黎篆、黎杯、黎文安乘船跨海直擣賊之巢穴。及得駕捷報。遂乘勝大破賊軍。賊入城自守。於是新平順化畢爲我有。又益兵命黎篆、黎司、黎秘等出天關國威嘉興臨洮三帶宣光等路略定其地。以絕雲南應援之兵。黎仁澍、黎備等出天長建興建昌等府。以絕方政。李安歸路既得其地。分兵留守。又命黎仁澍、黎備等出快州上洪下洪北江諒山等路。以斷溫丘援兵。命司空黎禮、黎識進東都。以張其勢。

丙午年夏六月底江洳庄。

底江今從山西當道縣而下。

有賤婦櫻惡疾。其夫棄之。忽一日途遇老人遺一小石。形如鷄卵。令以水磨之。塗瘡處卽愈。婦從其言果驗。遠近聞之。多以錢帛來求。婦力不勝。但以石過水與之。謂菩薩水。途中絡繹輒問得水否。識者以爲黎氏得國之徵。

八月二十日賊衆來攻篆祕等設伏力戰於寧橋。今彰德縣。大破之。長驅至仁睦村。城勢窮援絕。乃飛錫筒告急於乂安。九月十六日方政、李安等棄乂安城而還。止留黎福堅壁死守。帝恐坐失機會。乃留黎銀、裴國興等圍乂安城。而自率大軍躡安政後。至西都城駐營。十月明又命總兵成山侯王通參政馬瑛等領兵五萬分道援東都等城。而雲南賊軍一萬先至直抵三江。可等聞賊至。自寧橋倍道前進。遇賊於廳橋。迎擊破之。已而王通由溫丘繼至。溫州起號是也。會山壽、馬駢、方政、李亮、陳治等兵十餘萬。進攻篆祕於古所。石室縣度外寨處等列營。篆等度不支。告急於禮、壽、禮辰。已伏兵於清潭。

得篆信至夜領銳卒來與篆等併力戰於萃洞寧橋屬彰德縣等處大破之斬陳治李亮賊將王通馬騏等僅以身走入東都固守篆禮等逼城圍之時帝在清化接得捷書親領大軍倍道而進十一月至龍江橋會同篆禮等帝親督將士日夜攻東都城賊援絕計窮乃通使乞和願得全衆歸國帝許之乃與立約要得彼移文各處屯守賊軍俱會東都相與還國賊果如約親行文書取演又新順等城賊衆會菩提營指日歸國時僞官汝笏汝榮等業已賣國恐賊歸後自己得罪乃陰反間曰昔烏馬兒敗於白藤江率衆來降萬郡公詐取大艦裝載送還而令善水者充艦夫至海外夜伺熟睡潛入水中鑽艦底盡皆溺死無一人還者賊聞言心驚疑復增壘掘壕以爲固守之計帝乃遣諸將分攻各城國興攻刀鴨市橋二城可大等攻三江城篆理等攻昌江城今京北處安勇縣榴杯等攻溫丘城俱破之未下者東都西都古弄至靈四城而已初帝駐營於扶列城與賊稍遠至是遂移北江菩提營辰有菩提至營中故名與賊相對以邀其歸路

(未完)

▲安南人物傳(續二)

明人姓名著

李公蘊交州人今北寧省東岸縣寧榜社有韜略篆至忠用爲大將尤親信之太中祥符真宗三年庚戌至忠薨子幼弟明祀爭立公蘊逐而殺之自領交州事稱安南靜海軍留後廣西轉運使何亮言公蘊移文言現率方物奉貢請降制命真宗曰篆桓不義而得公蘊尤而效之益可惡也卽詔亮安鎮邊民察事機以聞七月制授權靜海軍留後李公蘊特進檢校太傅安南都護節度觀察處置等使交趾郡王食邑二千戶實封一千戶兼御史大中上柱國特進推誠順化功臣仍賜襲衣器幣十二月公蘊遺

使賀親祀汾陰恩加公蘊同中書門下平章事五年貢金銀紗羅犀角象牙等物加開府儀同三司翊戴功臣賜器幣勒鞍馬七年又加保節守正功臣公蘊言鶴拓蠻率三萬衆至本州界立寨柵本道臣發人騎與戰於方林賊衆大敗擒其主楊長惠及蠻黨人馬遣使獻捷貢馬六十四八月貢方物求賜介胄及大藏經從之十二月廣西轉運使高惠連上言交州寇欽州如洪寨抄人畜甚衆詔惠連移牒交州遣追索之先是獠戶張婆看避罪來奔知欽州穆重召之中路復拒都檢巡臧嗣遂令如洪寨犒以牛酒交州值其事因捕獠故來寇掠遂詔諸州自今不得招諭蠻獠及行宴犒以致生事天禧元年二月以賀聖號禮畢加公蘊爲南平王增邑一千戶二年賜大藏經從其請也三年來貢加檢校太尉乾興元年加太師宗人功臣因仁宗登位遂及之公蘊遣使來賀天聖仁宗二年加食邑功臣六年三司言作坊料庫交州使人進納香藥價錢三千七百六十貫詔回賜五千貫示懷遠也五月廣西轉運使言公蘊擅令子弟與女婿串承貴領衆人於本道剽掠邊民累行跟尋並不放遣久爲邊患今欲量差本道教閱兵士與部巡檢歸合諸溪洞壯丁以助索叛去人口爲名除與黨惡宣下本道會勘承貴等若果抗拒不還卽依所奏六年公蘊薨子德政立遣使告哀自領留後事德政舊名開元廣西轉運使奏開元弟開國亦畜兵馬勢必爭王乞擬以邕欽廣惠稍益兵戍以備非常詔本州暫勾當桂宣等州巡檢張斌領所部兵士就近防之景祐元年德政言父旣沒臺官參佐將士耆老諸臣權領州鎮遣使入貢詔廣西轉運使章頫爲吊祭贈公蘊侍中進封南平王授德政官名如公蘊初詔責令回捕首領正其罪寶元元年封德政爲安南王皇祐元年嶺南蠻儂智高引衆寇邊交州請出兵助討大將狄青以爲不便詔止之至和二年德政薨謚大王在位

三十年。子曰尊立。宋就除靜海軍節度使交州郡王。嘉祐三年。貢異獸白麟。樞密使田况曰。非麟也。正異獸耳。英宗卽位。加同平章事。神宗進封南平郡王。加開府儀同三司。交趾自丁黎以來。稱臣奉貢。奉送封爵。然其居國。輒僞爲稱呼。倣越陀故事。初安南立國。凡事簡略。至李氏始營宮室。禮樂文物。益彬彬矣。日尊追尊公蘊曰神武。國號大越。自號天應。崇仁至道慶成。記祥明文睿武孝德聖部。菩薩改元天貺寶象母曰聖元太后。妃曰上陽。或號靈仁后。子明王名乾德。次曰上嶽太子。其官稱有國副太尉。左右諫議大夫。左右郎內侍員外郎。爲內職。樞密使金吾太尉。領兵使通判。安南都護。爲外職。軍號御龍。武勝。龍翼。部電。拱日。保勝。雄略。萬捷。皆有左右額。並黥曰天子軍。有水晶宮。天光殿。有一樓。猶榜曰安南都護府。建樓鍾。民訴事。則撞之。占城國。寇邊。日尊率兵攻之。逾年不下。靈仁后。賢故民心化洽。境內安堵。廣崇佛寺。俗號觀音。日尊兵還至連洲。聞靈仁所爲。曰彼一婦人。乃能如是。我男子何庸。再起兵攻占城克之。熙寧神宗四年。日尊薨。謚憲王。在位十年。子乾德立。遣使告哀。宋加封爲交趾郡王。八年冬。交趾寇邊。陷欽廉等州。命趙高及內侍李憲討之。先是知桂林沈起。劉彝相繼遣官入海洞。集土兵爲保甲。繼命於海津集舟師。教水戰。禁止州縣與交州貿易。交州疑之。遂舉衆分三道入寇。衆號百萬。圍邕州。十月陷。欽廉所破城邑悉爲露布揭之衢路。言所部叛入中國者官吏庇匿。訴于桂管。不報。故我率兵叛。又言桂管點閱洞溪兵。言寇見伐。又言中國作青苗助役之法。窮困生民。我今出兵。欲相拯救。王安石怒。薦趙高爲安南招討使。總九將軍進討。李憲。燕達副之。仍自草制諭之。制詞曰。天道助順。決非布新之祥。人知悔已。咸懷敵愾之氣。安石最不信。洪範災異之說。於彗星之見。推之交州云。明年正月。交州陷。邕州。廣西督監張守節率兵救邕州。敗於

岷峯關死之州被圍四十日。知州蘇緘日夜勞軍。緘以神臂弓射殺交人不可勝計。交人欲引去。會有教賊囊土傅城而登者。城遂陷。緘曰。吾義必不死賊手。乃還州廩。命其家三十六人皆先死。藏屍於坎。縱火自焚。賊至求緘不得。殺吏卒民丁五萬餘人。并欽廉死者無慮十萬人。並毀其城。初。邕州受圍久。糧儲既竭。井泉皆涸。饑渴病死者相枕。而民無叛志。尋贈緘奉國軍節度。謚曰忠勇。賜京城甲第一區。上田十頃。官其親族七人。以其子元爲閣門祗候。召募舟師副將。賜坐殿上。撫慰甚至。且言邕州若非卿父守禦。如欽廉二州。則賊至城破。乘勝奔突。宣象桂州亦不保矣。昔張巡許遠。以睢陽蔽捍江淮。較之卿父未爲遠矣。初。安石秉政。欲立邊功。於是。有獻言者。謂交趾已爲占城所敗。衆不能滿萬方。今可計日取。安石以沈起知桂州。起自南方干賞。自擅招納。以罪罷。安石又以劉彝代。彝至。復生事。於是。交人舉州入寇。乃竄起郢州。彝隨州。九月二日。以郭逵爲安南招討使。趙高副之。敗交趾于富良江。今班河江。獲太子洪貞。李乾德。請降得廣源等五州之地而還。以廣源爲順州。是役也。宋師八萬死者六千。達欲濟移州。已而曰。願以一身活萬人。乃班師。元豐元年秋九月。交趾入貢。且請還廣源。蘇茂等州。神宗賜乾德詔曰。邕欽廉三州人口來歸。卽如所請。明年。三州人來歸。詔廢順州以賜之初。趙高請勿與。歲成二千人。每十損五六。神宗曰。順州荒裔瘴癘之地。朝廷得之未爲利。豈可驅士卒投之瘴土。一夫朕且憫之。况十損五六乎。又以通內六縣三峒之地賜之。哲宗卽位。加平章事。元祐中。進南平王。徽宗宣和元年。加司空。高宗紹興元年。乾德死。居位五十九年。謚仁王。子陽煥。立紹興二年春三月。封交趾郡王。二十五年秋七月。加封南平王。二十六年。遣子來貢。秋八月。加封檢校太師。三十年冬十二月。獻駒象。孝宗隆興二年秋八月。入貢。賜安南國名天祚。薨。在位三十九年。謚英王。

〔未完〕